



Վայ եկեղեցու առաջնորդը միայն հոգևոր հովիվ չէ. նա մեր ազգային ինքնության խորհրդանիշն է, սրբազան ավանդության պահպանը, ազգային արժեքների անխոնջ պաշտպանը: Այս շարակարգում ակնհերե է դառնում Ն. Ս. Օ. Տ. Տ. Գարեգին Երկրորդ Ամենայն Հայոց Կաթողիկոսի՝ հոգևոր առաջնորդի, ազգային մտածողության, հայ ժողովրդի ցավի, հուսի և համազգային միասնականության գաղափարի կրողի կերպարը: Հոգևոր առաջնորդը նա է, որ ոչ միայն Աստծու խոսքն է քարոզում, այլ ապրում է իրական հավատքի ներքին ճշմարտությամբ և նրանով ներշնչում իր ժողովրդին: Ամենայն Հայոց Կաթողիկոս Գարեգին Երկրորդի գրեթե կեսդարյա հոգևոր սպասավորությունը նրա անձնվիրումի, անսահման հայրենասիրության, եկեղեցաշեն գործունեության լուռ վկայությունն է:

Վեհափառ Հայրապետի գահակալությունը համընկավ հայության համար շատ բարդ և հակասական ժամանակաշրջանի հետ: Արցախյան պատերազմներ, Հայաստանի անկախ պետականության ամրապնդում, սփյուռքահայության հետ փոխհարաբերության և մշակութային կապերի հաստատում, հոգևոր կյանքի վերազարթոնք և ազգային ինքնության պաշտպանություն: Այս բոլոր մարտահրավերներին ի պատասխան՝ Ամենայն Հայոց Կաթողիկոս Գարեգին Երկրորդը հանդես եկավ որպես ճշմարիտ առաջնորդ՝ միաժամանակ լինելով դիվանագետ, խաղաղարար, ազգային շահերը բարձրաձայնող, արդարության պաշտպան:

Նրա գործունեության առանցքում դրված է հայ մարդու ինքնության պահպանման պատվիրանը՝ «Հավատք, Հայրենիք, Ազգ» երեք հիմնասյուներով:



Պատմական հիշողությունն ազգի ինքնության հիմքն է, առանց որի չի կարող լինել ապագա, ուստի Վեհափառ Հայրապետի խոսքերում հաճախ է հնչում Հայոց ցեղասպանությունը շմոռանալու, անմեղ զոհերի նահատակությունը շուրանալու և արդարության ձայն բարձրացնելու պատգամը: Նա ևս, իր երանելի նախորդների նման, հայ ժողովրդի արդար դատը ներկայացնում է ոչ թե որպես գեթ պատմական իրողություն, այլ՝ արդարության համամարդկային խնդիր:

Վեհափառ հայրապետի համար Հայաստանը կենդանի տաճար է, սրբություն՝ իր բազմադարյա պատմությամբ, տառապած, խաչված և հարություն առած հայ ազգով, իր նվիրյալ զինվորներով ու նահատակյալ հերոս որդիներով: Անցնող տարիներին, երբ հայ ժողովուրդը կրկին կանգնեց ծանրագույն գոյաբանական մարտահրավերների առջև, Վեհափառ հայրապետը, ինչպես միշտ, կանգնեց իր զավակների կողքին՝ որպես բարեխնամ հայր և իմաստուն առաջնորդ: Նա, համազգային անդառնալի կորուստներից և արհավիրքներից հետո կրկին ուժ գտնելով, սփոփանքի, սիրո և հուսադրության իր ամոքող ու զորացնող խոսքն ասաց: Հայոց հայրապետի խոսքը ոչ միայն քարոզ է, այլև զորություն, որ կարող է հալածանքի ժամանակ լինել համբերության ու խոնարհության կոչ, ցավի մեջ՝ սփոփանք, իսկ հուսալքության պահին՝ շողարձակող հույս:

Թող Բարձրյալ Տերը պահպանի և զորացնի Գարեգին Երկրորդ Ամենայն Հայոց Կաթողիկոսին, որ նա պահի մեր հավատի հիմնասյունը անսասան, մեր հույսը՝ կենդանի, մեր սիրո տապանը՝ անխորտակ:

Ա. ՔՀՆ. Պ.

